

Buku baru:

## Cahaya Pelajaran Agama

Pelajaran Agama telah dijadikan mata pelajaran bagi orang-orang Islam di Persekutuan Tanah Melayu. Tiap-tiap murid yang beragama Islam hendaklah mempelajari pelajaran itu.

Banyak di antara murid-murid yang berada di sekolah menengah Inggeris dan juga di sekolah-sekolah menengah Melayu yang diwajibkan belajar itu menghadapi beberapa kesulitan. Mereka boleh membaca ayat al-Qur'an tetapi mereka terasa sulit belajar di dalam bahasa Melayu yang bertulis Jawi. Yang demikian ini telah pun disampaikan kepada pengetahuan dan perhatian kita.

Memandang mustahaknya mereka diberi bantuan, maka penerbit majalah ini berusaha untuk meringankan bebanan yang dipikul mereka. Pihak penerbit cukup menyedari bahawa huruf Jawi adalah lebih utama untuk mengajar pelajaran-pelajaran agama tetapi dengan semata-mata berpegang teguh kepada tulisan Jawi maka anak-anak yang telah tau atau yang belum berapa cukup pengajiannya dengan huruf Jawi akan tertinggal pelajarannya. Kerana itulah, buat sementara waktu penerbitan Qalam cuba menerbitkan naskah "Cahaya Pelajaran Agama" untuk pengajian di sekolah-sekolah menengah yang disusun mengikut sukanan pelajaran Persekutuan Tanah Melayu dengan mengandungi dari *form* satu hingga lima dengan huruf Rumi dan Jawi.

Bagi pelajar-pelajar agama, buat setahun di dalam

satu *form* memerlukan hanya sebuah buku sahaja .

Buku *form* yang pertama huruf Rumi telah pun siap dan huruf Jawinya akan siap pada pertengahan bulan julai – In Shā'a Allāh.

Kandungan buku *form* yang pertama adalah lima bahagian:

1. Tawhīd
2. Fikah (bahagian ibadah)
3. Sejarah
4. Tafsir al-Qur'an dan Hadith
5. Tambahan untuk penjelasan-penjelasan lanjut bagi menerangkan perkara-perkara yang berkenaan pelajaran-pelajaran mengikut sukanan itu.

Bahasa yang digunakan adalah mudah. Penerangannya jelas, tidak berbelit-belit. Pelajarannya disusun dengan teratur dan dengan cara sekali membaca sudah dapat memahamnya. Dicetak di atas kertas yang baik dan berupa cantik dan molek.

Adalah dipercayai inilah sebuah buku yang terlengkap masa ini untuk diajarkan di sekolah-sekolah menengah. *Form* dua sedang dicetak.

Buku *form* yang pertama harganya senaskah \$3.00 belanja pos 10 sen.

Tiap-tiap pesananan hendaklah menyatakan naskhah yang dipesan: Rumi atau Jawi. Buku ini diterbitkan oleh Qalam, Singapura.